

## ԱՎԱՍՏԻՆԸ ՈՐՊԵՍ ՉԱՐԳԱՑՈՂ ՏԱՐԻՔԱՅԻՆ ՄԱԿՈՒԼՅԱՐ ԴԵԳԵՆԵՐԱՑԻԱՅԻ ՀԱՄԱԼԻՐ ՎԵՐԱԿԱՆԳՄԱՆ ՀԻՄՆԱԿԱՆ ԲԱՂԱԴՐԱՄԱՍ

**Թևոսյան Մ.Ս., Մալայան Ա.Ս.**

*Լեռնային Ղարաբաղի Հանրապետության Առողջապահության Նախարարության հանրապետական  
հիվանդանոցի Արմինե Պակունեանի անվան կլինիկա, Ստեփանակերտ, ԼՂՀ  
Ս. Ս Մալայանի անվան ակնաբուժական կենտրոն, Երևան, Հայաստան*

Հակա-անոթային Էնդոթելիալ աճի գործոնը կարող է համարվել տարիքային մակուլյար դեգեներացիայի (ՏՄԴ) բուժման արդյունավետ միջոց և կիրառվել լազերային կոագուլյացիայի ու ֆոտոդինամիկ բուժման հետ զուգորդված: Տեսողության սրության փոփոխության դինամիկայի դիտարկումը ավաստինի ինտրավիտրեալ ներարկումից հետո բացահայտել է տեսողության աստիճանական լավացում ՏՄԴ-ի նեովասկուլյար ձևերով հիվանդների մոտ: Ընդ որում, լավացման բարձրակետը գրանցվել է ներարկումից հետո առաջին ամսվա վերջում: ՏՄԴ-ի նեովասկուլյար ձևերով հիվանդների մոտ անոթային Էնդոթելիալ աճի գործոնի արգելակիչ ավաստինը ներկայանում է բավականին արդյունավետ դեղամիջոց նման լուրջ հիվանդության բուժման համար: